

# **ՍԱՐՍԱՆԴՐԱԿԱՆ ԻՐԱՎՈՒՆՔ**

**ԹՈՒՐՔԻԱՅԻ 1919-1920 թթ. ՂԱՏՎԱԲԻՌՆԵՐԻ ԻՐԱՎԱԿԱՆ ԱՐԺԵՔԸ  
ՀԱՅՈՑ ԵՂԵՌՆԻ ՂԱՏԱՊԱՐՏՄԱՆ ՀԱՍԱՏԵՔՍՈՒՄ**

## **ԳԵՎՈՐԳ ՂԱՆԻԵԼՅԱՆ**

Ի տարբերություն ցեղասպանության ցանկացած այլ փաստի՝ Յայոց ցեղասպանության միջազգային ճանաչման հարցում դատական ակտերի վրա շեշտադրում չանելը, դրանք որպես հիմնական փաստարկներ շրջանառության մեջ չենելը դեռևս պահպանում են կենսունակությունը և հանրավի խոցելի դարձնում հիշյալ գործընթացի արդյունավետությունը: Խոսքը, առաջին հերթին, հենց թուրքական ազգային դատարանների 1919-1920 թթ. կայացրած այն դատական ակտերի, այն դատավճիռների մասին է, որոնցով «Իրթիհաղը» երիտրուրքերի դեկավար կուսակցությունը, թուրք բարձրաստիճան զինվորականները, պետական ու կուսակցական գործիչներն ու այլ պաշտոնյաներ դատապարտվել են անձանց՝ էթնիկ հատկանիշով պայմանավորված զանգվածային սպանդ կազմակերպելու ու իրականացնելու, ինչպես նաև բռնի տեղահանումների համար:

Այս դատական ակտերին մենք դեռ կանդրադառնանք ստորև, սակայն նախ, փորձենք պարզել, թե ինչու տարաբնույթ ու հավաստի բազմաթիվ պատմական փաստերի կողքին չեն ներկայացվում նաև վերը նշված առավել արժեքավոր ու իրավական մեծարժեք դատական ակտերը: Ոճանք այն կարծիքին են, որ այդ մոտեցման հիմքում ընկած է բացառապես հոգեբանական գործոնը, ըստ որի՝ հենց Թուրքիայի շարունակական ժխտողական քաղաքականության համատեքստում ձևավորվել է համոզնունք, համաձայն որի՝ անհմաստ է կեղծիքները որպես քաղաքականության անդավաճան լժակ ճանաչող թուրքական կողմից սպասել արդարության, այդ թվում՝ արդարադատության որևէ դրսևորում<sup>1</sup>:

Վերոհիշյալ հոգեբանական գործոնի առնչությամբ մենք ևս բացասական կարծիք չունենք, սակայն չենք կարող նաև չնկատել, որ դրա նշանակությունը չափազանցվում է: Չպետք է անտեսել նաև այնպիսի փաստարկներ, ինչպիսիք են ոչ բավարար իրազեկվածությունը, նշված դատական ակտերի իրավական արժեքի մասին անհամարժեք գնահատականները և վերջապես՝ իներցիոն մտածելակերպը, որը հաճախ հանգեցնում է կարծրատիպերի ձևավորման: Այս խոչընդուները հաղթահարելը թերևս հնարավորություն կտար ընկալելու, որ ժամանակին թուրքական դատարանների կողմից զանգվածային բնաշնջումները դատապարտող ակտեր կայացնելը բնավ թելադրված չի եղել արդարադատության մարմաջով, որ դրանք հիմնականում պայմանավորված են եղել տվյալ երկրի միջազգային ու ներազ-

<sup>1</sup> Տե՛ս David B. MacDonald. Identity Politics in the Age of Genocide. The Holocaust and historical representation. Routledge, 2008, էջ 31-39:

գային մի շարք այնպիսի ազդակներով, որոնք պատմական տվյալ ժամանակաշրջանում հնարավոր են դարձրել այդպիսի գործընթացները<sup>2</sup>:

Այն, որ այդ գործոնները սոսկ պատմական տվյալ իրավիճակով են թելադրված եղել և բնավ չեն բնութագրում թուրքական քաղաքականության էռոքյունը, ապացուցվում է թեկուզ այն փաստով, որ արդեն 1923 թ. մարտի 31-ին, այսինքն՝ դատավարություններից ընդամենը երկու տարի անց, Թուրքիայում հայտարարվեց համաներում, որի հետևանքով ազատության մեջ հայտնվեցին բոլոր այն ոճրագործները, որոնք դատապարտվել էին Թուրքիայի գինվորական դատարանի և ընդհանուր իրավասության մյուս դատարանների կողմից<sup>3</sup>: Ընդ որում, թուրքական դիվանագիտությունը ևս ամեն ինչ արել է, որպեսզի հիշյալ դատական գործընթացները չհայտնվեն քաղաքական բանավեճերի տեսադաշտում, չդառնան քննարկման նյութ, հնարավորինս հայտնի չլինեն հանրության լայն շրջանակներին, ինչը տևական ժամանակ նրանց հաջողվել է: Սակայն երբ դրանք անխուսափելի հորեն դարձան իրապարակային քննարկման նյութ, գործի դրվեցին դրանց իրավական հիմնավորվածությունը և հավաստիությունը կասկածի տակ դնելուն կոչված արդեն նոր «փաստարկներ»:

Նախապես նկատենք, որ բնավ հակված չենք նշված դատական ակտերը բնորոշելու որպես ոչ միայն միջազգային չափանիշներին, այլև ազգային (տվյալ դեպքում՝ թուրքական) իրավունքին խստորեն համահունչ արդարադատության իրականացնան ննուշներ: Ինչ խոսք, դրանք հեռու են այդպիսիք համարվելուց, սակայն բնորոշն այն է, որ թուրքական քաղաքականությունը կառուցված է անզամ այդ կարգի դատական ակտերում արձանագրված փաստերն ամբողջովին ժխտելու ձգտման վրա: Պարզվում է, որ շուրջ 100 տարի անց թուրք քաղաքական գործիչներն ու գիտնականները կասկածի տակ են առնում նույնիսկ սեփական ազգային դատական ատյանների դատավճիռները:

Ցեղասպանության յուրաքանչյուր փաստ արձանագրելու, ընդհանրապես որևէ արարք հանցագործություն որակելու համար անվերապահորեն անհրաժեշտ է մեղադրական դատական ակտ: Սա անվիճելի սկզբունք է, որն իր ամրագրումը է ստացել բազմաթիվ միջազգային իրավական փաստաթղթերում և ճանաչվել ազգային իրավական համակարգերով: Ընդ որում, այս տեսանկյունից վճռորոշ նշանակություն ունեն Մարդու իրավունքների և հիմնարար ազատությունների պաշտպանության մասին Կոնվենցիայի 6 հոդվածով ամրագրված դրույթները, որոնք խնդիրը կարգավորման նյութ են դարձրել մարդու իրավունքների պաշտպանության տեսանկյունից<sup>4</sup>:

Միջազգային իրավունքի փաստաթղթերը, անդրադառնալով այս խնդրին, հարցը քննարկում են հիմնականում մարդու իրավունքների պաշտպանության տեսանկյունից: Տվյալ դեպքում շեշտադրվում է անմե-

<sup>2</sup> Տե՛ս Բարսեգօն Յ. Գ. Գеноцид армян – преступление по международному праву. М., 2000, էջ 111-112:

<sup>3</sup> Տե՛ս Dadrian V. N. Genocide as a problem of National and International Law: the World War I Armenian case, its contemporary legal ramifications // Yale Journal of International Law. Vol. 14, № 2. (Summer 1989), էջ 313-314:

<sup>4</sup> Տե՛ս Օգանեսյան Վ. Ա. Принципы уголовного правосудия в международном праве. Эволюция и особенности имплементации. М., 2011, էջ 85:

ղության կանխավարկածի սկզբունքը: Վերլուծությունը ցույց է տալիս, որ հիմնականում հենց այս հանգամանքն է փոխել Հայոց եղեռնի միջազգային ճանաչման գործնթացի բնականոն հունը՝ «հարմարեցնելով» այն բացառապես պատմական փաստարդերը քաղաքական հարթության վրա քննարկելու ու ճանաչելու գաղափարախոսությանը:

Ընդ որում, քանի դեռ Հայոց եղեռնի ճանաչման գործընթացը սահմանափակվում է սոսկ այս կամ այն երկրի օրենսդիր նարմնի կողմից որևէ իրավական եղանակով ու ձևով ճանաչվելով կամ քաղաքական տեսանկյունից դատապարտվելով, դրանց որևէ իրավական նշանակություն չի տրվում, դրանք չեն դառնում իրավական հետևանք առաջացնող փաստաթրեր: Առավելագույնը տվյալ դեպքում այն է, որ դրանք այս կամ այն կերպ նվազեցնում են Թուրքիայի միջազգային վարչը և անուղղակիորեն առաջացնում այդ երկրի կողմից Հայոց եղեռնը ընդունելու ոչ միանշանակ պարտավորություն: Ինչ խոսք, անգամ այս զարգացումները չեն կարող անտարբեր թողնել թուրքական կողմին, որը հետևողականորեն ու միջոցների միջև խտրություն չդնող գործելածով մշտապես ձգտել է ժխտել Հայոց եղեռնը:

Սակայն եթե Հոլոքոստը ժխտելու համար եվրոպական որոշ երկրների կողմից քրեական պատասխանատվություն սահմանելու գործընթացն իր արձագանքն ունեցավ նաև Հայոց ցեղասպանության հարցում, իսկույն փոխվեց ոչ միայն քաղաքական բանավեճերի հարթակը, այլև բուն փաստարկների իրավական արժեքը: Անմիջապես պարզ դարձավ, որ «դասական եղանակներով» Հայոց եղեռնը ճանաչելու, առավել ևս այն ժխտելու կամ դրա նշանակությունը մեղմելու համար քրեական պատասխանատվություն սահմանելու հեռանկարը խստ խոցելի է:

Նման դեպքերում, ինչպես ասում են, չկա չարիք առանց բարիքի. Վերջապես հայրենական դիվանագիտությունը հարկադրված կլինի լրջորեն անդրադառնալու Հայոց եղեռնը նաև դատական համապատասխան ակտերով հիմնավորելու խնդրին և չի բավարարվի սոսկ պատմական փաստերի լուսաբանմանը:

Ի դեպք, կարծում ենք, Թուրքիային հաջողվել է ոչ միայն տևական ժամանակով խիստ կարևոր քննարկումներում տեսադաշտից հեռու պահել հիշյալ դատական գործընթացները, այլև պարտադրել խնդրի հետազոտման ու քննարկման իր կանոնները, որոնք մի կողմից բարենպաստ են թուրքական քաղաքականության տեսանկյունից, մյուս կողմից ծևավորում են խնդրի քննարկման փակուղի տանող ավանդույթներ, որոնք հնարավորություն չեն տալիս արմատապես վերանայելու առկա կարծրատիպերը:

Դատելով Թուրքիայի հայատյաց քաղաքականությունից, հազիվ թե նա իր նախաձեռնությամբ փորձեր պատասխանատվության կանչել եղեռնի կազմակերպիչներին ու իրականացնողներին, բայց և այնպես անհերքելի իրողություն է, որ անցյալ դարասկզբին, թեկուզ և որպես բացառություն, տեղի է ունեցել դատական որոշակի գործընթաց: Յետազոտողներից շատերը անդում են, որ դրանում վճռորոշ դերակատարում են ունեցել Առաջին աշխարհամարտում հաղթած գերտերությունները:

Այս հարցը, անշուշտ, շատ է չարչրկվել, որի հետևանքով, ինքնին հաս-

կանալի է, դարձել է թուրքական քարոզության հերթական կեղծիքների թիրախ: Թուրքամետ աղբյուրների պնդմանը Մուլրոսյան հաշտության համաձայնագրից հետո Թուրքիան հարկադրված ձեռնամուխ է եղել հիշյալ դատավարություններին, սակայն գրկված է եղել ինքնուրույն դատավարություն իրականացնելու նվազագույն հնարավորությունից և գործել է բացառապես գերտերությունների թելադրանքով<sup>5</sup>:

Այսպիսով, մեկնակետ է ընդունվում այն գաղափարը, որ Թուրքիայի իշխանությունները դատավարություններ նախաձեռնելու հիմքեր չեն ունեցել, այն պարտադրվել է արտաքին ուժերի կողմից և իրականացվել է նրանց թելադրանքով: Ինչ խոսք, սա թուրքական գաղափարախոսության համար խիստ ձեռնտու մեկնաբառություն է, և որպեսզի այն առավել հավաստի թվա, իրնթաց շեշտվում է, որ դատավարությամբ հետազոտված բոլոր ապացույցները (հայերի բնաջնջման վերաբերյալ հրամանները, հեռագրերը, նամակները, վկաների, այդ թվում՝ թուրք պաշտոնյանների ցուցմունքները, ռազմական գործողությունների սխեմաները և այլ գաղտնի փաստաթղթերը) իրու հայերի կողմից միտումնավոր ոչնչացվել են:

Ինչևէ, վերադառնամբ գերտերությունների, այսպես կոչված, ճնշումներին: Ներկայումս մատչելի փաստաթղթերի ուսումնասիրությունը միանշանակ ցույց է տալիս, որ գերտերությունները հիմնականում պահանջել են դատավարություններ սկսել Թուրքիայի կողմից գերված իրենց գինվորների նկատմամբ կատարված ոճրագործությունների համար, իսկ ինչ վերաբերում է հայերի բնաջնջմանը, ապա այն ներկայացվել է իրու լրացուցիչ, երկրորդական հարց: Ընդ որում, Բրիտանիան սկզբնական շրջանում առաջ էր քաշում բացառապես բրիտանացի գինվորների նկատմամբ ոճրագործությունները կատարած անձանց պատասխանատվության ենթարկելու հարցը, և միայն հետագայում համաձայնվեց, որ գոնե դրանից հետո քննության նյութը դառնա նաև եղեռնի կազմակերպիչների հարցը:

Այլ կերպ ասած՝ հայերի զանգվածային բնաջնջման առնչությամբ ԱՄՆ-ը, Բրիտանիան, Ռուսաստանը և Ֆրանսիան, ցավոք, բացառապես բավարարվել են հայտնի իրադարձությունները դատապարտող հոչակագրերով: Մասնավորապես, 1915 թ. մայիսի 24-ին Երեք պետություններ՝ Բրիտանիան, Ռուսաստանը և Ֆրանսիան, ընդունել են Թուրքիայի կողմից «մարդկության և քաղաքակրթության դեմ» ուղղված հանցագործությունները դատապարտող հոչակագիր: Սակայն բոլոր դեպքերում հարկ է նկատել, որ այդ հոչակագիրը ստորագրած պետությունները նշված իրադարձությունները անվերապահուեն ճանաչել են որպես Թուրքիայի կողմից էթնիկական հատկանիշով պայմանավորված զանգվածային բնաջնջում:

Հաճախ իրավամբ հարց է ծագում, թե նշված գերտերությունները որքանով են հետևողական եղել հիշյալ դատավարությունն իրականացնելու խնդրում: Հետևողականություն իրականում եղել է, սակայն այն ունեցել է բոլորովին այլ ողովածություն: Նախ, մինչև դատավարությունն սկսելը, ավելին՝ մինչև մինչդատական վարույթ նախաձեռնելը նույն այդ գերտերությունների անմիջական աջակցությամբ Թուրքիան անարգել լքել են բոլոր

<sup>5</sup>Տե՛ս Guenter Lewy. Revisiting the Armenian Genocid // Middle East Quarterly, Fall 2005, էջ 3-12:

այն բարձրաստիճան պաշտոնյաները, որոնց նկատմամբ եղել է մահապատիժ սահմանելու հնարավոր վտանգ: Պատահական չէ, որ հենց գերմանական նավով հայտեա փախուստի են դիմել Եղեռնի գաղափարախոսներն ու անմիջական կազմակերպիչները՝ Թալեաթը, Էնվերը, Զեմալը և Նազիմը: Դրանից հետո այս անձանց իրենց հետ համագործակցելու տարաբնույթ սիրահոժար առաջարկություններ են արել արդեն խորհրդային Ռուսաստան ու մյուսները: Ուրիշ բան, որ այդ գործիչները հետագայում խորհրդային Ռուսաստանի իշխանություններին ևս խաբում էին և փորձում նրանց վստահությունը չարաշահելու միջոցով իրականացնել իրենց հոգեհարազատ՝ պանթյուրքիզմի գաղափարները:

Ընդ որում, նշված պետությունների հատուկ ծառայությունները հոգացել են, որ վերջիններս հնարավորինս պաշտպանված լինեն, անգամ ապահովել են Կեղծ անձնագրերով ու անուններով: Օրինակ՝ Էնվերը Գերմանիայում հանդես է եկել Ալի-Բեյ կեղծանվամբ: Այսինքն՝ գերտերությունների կողմից ի՞նչ թելադրանքի մասին կարող է խոսք լինել, երբ իհմնական ոճրագործներին պատժից զերծ պահելու և համագործակցելու նախաձեռնությունը հենց իրենց է պատկանում: Ավելին, թուրքական բանակում բարձրաստիճան բազմաթիվ պաշտոնյաներ ազգությամբ գերմանացիներ կամ բրիտանացիներ էին:

Հանրահայտ է, որ մահապատժի դատապարտված թուրք պաշտոնյաները, գտնվելով հետախուզման մեջ, հետագայում, այնուամենայնիվ, հայտնաբերվել ու սպանվել են, սակայն դա միանգամայն այլ հարց է և որևէ առնչություն չունի «քուրքական արդարադատության» հետ:

Վերադառնանք իհմնական հարցին. ի՞նչ նկատառումներով ու չափանիշներով են Թուրքիայի ռազմական տրիբունալի կողմից 1919-1920 թթ. իրականացված դատավարությունները որոշ հետազոտողներ գնահատում մարդու իրավունքների եվրոպական չափանիշներին հակասող:

Այդ գնահատականի թերևս ամենահետևողական հեղինակը Լևի Գյունտերն է, սակայն վերջինիս աշխատությունների ուսումնասիրությունը ցույց է տալիս, որ դրանք բառացիորեն կրկնում են թուրքական պաշտոնական գաղափարախոսության ու դրա «տեսաբանների» մտքերը, իհմնադրույթները, որոնք համակարգված ձևով շարադրված են թուրք պատմաբաններ Սինասի Օրելի և Սուլեյ Յուլկայի աշխատություններում: Ըստ այդմ, Լ. Գյունտերի տեսակետները չունեն որևէ փաստական իհմք և վկայում են հեղինակի մասնագիտական ցածր ունակությունների մասին: Վերջին հանգամանքի վրա վաղուց ուշադրություն է դարձրել ականավոր ցեղասպանագետ - պատմաբան, ակադեմիկոս Կահագն Դադրյանը, որը անառարկելի փաստերով բացահայտել է ոչ միայն Լևի Գյունտերի դիրքորոշումների սնամնկությունն ու միտումնավորությունը, այլև թուրքերենի, հատկապես օսմաններենի անբավարար ինացությունը, թեև բազմիցս հղումներ է կատարում այդ լեզվով գրված աշխատություններին: Ավելին, Վ. Դադրյանը իրավացիորեն եզրակացնում է, որ Լևին ոչ միայն չի տիրապետում թուրքերենին, այլև միտումնավոր խեղաթյուրում է առանց այդ էլ կեղծված թուրքական աղբյուրները՝ փորձելով էլ ավելի «համոզիչ» դարձնել իր սին գաղ-

փարմերը<sup>6</sup>: Ի դեպ՝ Վ. Դադրյանի այսօրինակ գնահատականները իրավացիորեն պաշտպանել են միջազգային քաղաքականագիտության ճանաչված բազմաթիվ նաև մասնագետներ՝ իիմք ընդունելով այն հանգանանքը, որ Վ. Դադրյանը ծնվել և մեծացել է Օսմանյան Թուրքիայում, այնուհետև տևական ժամանակ դասավանդել է աշխարհի լավագույն ու բարձր վարկանիշ ունեցող բարձրագույն ուսումնական հաստատություններում:

Այժմ անդրադառնանք Լևի Գյունտերի արծարծած զուտ իրավական հարցերին: Ակնհայտորեն ուղղորդված հեղինակին «մտահոգել է» հատկապես այն հանգամանքը, որ նախաքննության ընթացքում կասկածյալները իբր զրկված են եղել պաշտպանների օգնությունից: Մինչդեռ դատավարության արձանագրությունների վերլուծությունը ցույց է տալիս, որ կասկածյալներն ամեն օր ազատորեն շփվել են իրար հետ (հատկապես զրոսանքի ժամերին) և ունեցել են պաշտպանական միասնական տակտիկա մշակելու լավագույն հնարավորությունը, բացի այդ, նրանք պարբերաբար օգտվել են կարծատև արձակուրդներից՝ լրելով մեկուսարանները, որը, բնականաբար, նրանց լայն հնարավորություն է տվել տևական ժամանակով շփվելու իրենց պաշտպանների հետ:

Կողմնակալ հեղինակի միտումնավորությունը հասնում է այնտեղ, որ մեջբերելով *Ստամբուլում Բրիտանիայի գերագույն հանձնակատար Դը Ուրեկայի խոսքերը՝* փորձել է անդել, որ անգամ «պատվիրատու» պետություններն են դժգոհել դատավարությունից: Իրականում նրանք դժգոհություններ հայտնել են, սակայն Լևին «մոռացել է» հստակեցնել, որ այդ դժգոհությունները պայմանավորված են եղել կասկածյալների նկատմամբ թուրքական իշխանությունների կողմից իրականացվող բացահայտ հովանավորչությամբ: Օրինակ՝ Թուրքիային առաջարկվել է հաշվի առնել դատավարության միջազգային բնույթը և դատարանի կազմում մասնակից դարձնել այլ պետությունների ներկայացուցիչների, սակայն այդ և նմանաբնույթ բոլոր այլ առաջարկությունները կտրականապես մերժվել են, ինչն էլ իրավաչափորեն դժգոհության տեղիք է տվել: Այսպիսով, Լևին փորձել է պարզունակ խորանանկություն բանեցնել և որպես իր պնդումների հիմնավորում՝ հատվածքար հղումներ կատարել այլ՝ արդեն «հավաստի» աղբյուրների վրա:

Ի դեպ, տեսնելով ակնհայտ հովանավորչության դրսնորումները՝ անգլիական հրամանատարությունը երիտթուրքերի առաջնորդների և նախարարների գործով 1919 թ. ապրիլի 27-ին սկսված դատավարությամբ անցնող 77 կալանավորվածների հարկադրված տեղափոխնել է Մալթա, որտեղ դատավարությունը շարունակվել է մինչև 1919 թ. հունիսի 26-ը (դատավճիռն արձակվել է 1919 թ. հուլիսի 5-ին):

Տվյալ դեպքում նույն դատողություններն այլազգի հեղինակների

<sup>6</sup> Հիշյալ հարցադրումներն առավել հանգամանորեն լուսաբանված են հեղինակի հետևյալ աշխատություններում՝ **Vahakn N. Dadrian**. The Turkish Military Tribunal's Prosecution of the Authors of the Armenian Genocide: Four Major Court-Martial Series // Holocaust and Genocide. – Oxford University Press, 1977. – Vol. 11. – p. 28-59. **Vahakn N. Dadrian**. Armenian Genocide. court-martial of perpetrators //Israel W. Charny, Encyclopedia of genocide. – Santa Barbara, California: ABC-CLIO, 1999. 718 p.

<sup>7</sup> **Տե՛ս David B. MacDonald**, նշվ. աշխ.:

շուրբերից հնչեցնելը պարզապես հետապնդում է դրանց արտաքնապես առավել հավաստիություն հաղորդելու միտում: Ուստի այնքան էլ համամիտ չեն այն հեղինակների հետ, ովքեր գտնում են, որ իր հրեա հետազոտողները կանխակալ դիրքորոշում ունեն և ամեն գնով փորձում են Հոլոքոստի նշանակությունը չնսենացնել Հայոց եղեռնի ճանաչման փաստով<sup>8</sup>:

Մյուս կողմից՝ այդ դատավարություններում հասկանալի պատճառներով դույզն-իսկ ողջամիտ միջոց չի ձեռնարկվել տուժողների (բացառությամբ՝ Անտանտի պետություններից գերեվարված զինվորների) շահերի պաշտպանության ուղղությամբ: Բնորոշ է այն, որ դատավարությանը մասնակցած սակավաթիվ հայ փաստաբանների բոլոր միջնորդությունները մերժվել են<sup>9</sup>:

Հավելենք, որ առ այսօր այդ դատավարությունների արձանագրություններն ու մեղադրական ակտերը հասանելի չեն հետազոտողների լայն շրջանակին. դրանց որոշ հատվածների մասին կարելի է դատողություններ անել՝ միայն հիմք ընդունելով թուրք որոշ հետազոտողների կամայական հղումները:

Բոլոր այն անձինք, ովքեր այս կամ այն պատճառով չեն հասցրել փախուստի դիմել, ստացել են ցեղասպանության համար ակնհայտ անհամաշափ, խորհրդանշական պատիճներ: Խիստ սահմանափակ դեպքերում է սահմանվել 10, 15 տարվա ազատազրկում: Այսպես, օրինակ, «Երիտրութերի» կուսակցության խարբերդի տեղական կոմիտեի քարտուղար Ռեսնելի նազինը մի քանի տասնյակի հասնող բնակչության սպանությունը, գույքի զանգվածային հափշտակությունը և բռնաբարությունները կազմակերպելու համար դատապարտվել է 15 տարվա տաժանակիր աշխատանքի: Ընդ որում, իմ կողմից դեռևս ոչ բավարար ծավալով կատարված ուսումնասիրությունները վկայում են, որ պատժվածները, հիմնականում «չեն հասցրել» կրել իրենց պատիճները, այլ ազատ են արձակվել նախքան 1923 թ. համաներման ակտը:

Այնուամենայնիվ, ստացվում է, որ կան դատավճիռներ, սակայն չեն պահպանվել դրանց հիմքում դրված արխիվային փաստաթղթերը: Ընդ որում, թուրքական կողմն ու նրա համակիրները պնդում են, որ դրանց ոչնչացման համար մեղավոր են հենց հայերը: Որևէ լուրջ հետազոտող ի վիճակի չէ անգամ ենթադրել, որ դրանք կարող էին ոչնչացնել հայերը. դա այնքան անհեթեք է, որ չարժե անգամ անդրադառնալ: Վերջին հաշվով, քրեական գործերում առկա պետական խիստ պահպանության ներքո գտնվող փաստաթղթերը մեծագույն ցանկության դեպքում չեն կարող հափշտակվել ու ոչնչացվել մասնավոր անձանց կողմից, մանավանդ ցեղասպանությունից հետո թուրքիայում ստեղծված իրավիճակում:

Ինչ վերաբերում է արխիվային փաստաթղթերին, ապա ներկայացնենք որոշ նկատառումներ: Նախ՝ դրանց հիմնական ու առավել առանցքային նշանակություն ունեցող հատվածի «կորուստը» պետք է որ սրափեցներ մեր այն ազգային գործիչներին, որոնք մի պահ հրապուրվել ու

<sup>8</sup> Տե՛ս David B. MacDonald, նշվ. աշխ.:

<sup>9</sup> Տե՛ս Taner Akcam. From Empire to Republic: Turkish Nationalism and the Armenian Genocide. – Zed Books Ltd, 2004, էջ 270:

պատմական փաստաթղթերը համատեղ ուսումնասիրելու համար հանձնաժողովներ ստեղծելու քայլեր էին փորձում ձեռնարկել:

Մյուս կողմից՝ դատավճիռների հիմքում դրված փաստաթղթերի գոյության փաստը ևս չի կարելի ժխտել. Վերջին հաշվով, դատավարության մասնակիցները հանգանանորեն հետազոտել են կոնկրետ փաստաթղթեր, ինչի առնչությամբ կազմվել են արձանագրություններ, ուստի ներկայունս դրանց «բացակայությունը» չի կարող որևէ կերպ խոցելի դարձնել բուն դատավճիռների իրավաչափությունը: Ի՞նչ է ստացվում, թուրքական կողմը խայց է նետում՝ իմք ունենալով դատարանների կողմից հետազոտված պատմական փաստաթղթերի իբր թե կորուստը, մասնավորապես՝ հայերի կողմից իբր թե դրանց հափշտակությունն ու ոչնչացումը, մյուս կողմից՝ առաջարկում է հետազոտել գոյություն չունեցող արխիվային փաստաթղթերը: Մենք արդեն անդրադարձանք այդ վարկածի սնամկությանը, սակայն հարկ ենք համարում ընդգծել, որ դա չպետք է քննարկման հատուկ նյութ դառնա ոչ միայն իր ակնհայտ անհեթերության պատճառով, այլև գլխավորապես այն պատճառով, որ իրավական որևէ նշանակություն ու արժեք չունի: Վերջին հաշվով, խոսքը դատական ատյաններում սահմանված կարգով հետազոտված ապացույցների մասին է, որոնց գերակշիռ մասը, այդ թվում՝ դատավարությունների արձանագրությունները, հանգանանորեն արտացոլվել են թուրքական մամուլում: Իսկ եթե դրանք հետագայուն անհետացել են, ապա դա գուտ տեխնիկական արժեք ունեցող հարց է:

Մի կարևոր հարցադրում ևս. Եթե թուրքական կողմը արդեն երկու տարի անց համոզվել է, որ դատավարություններում քննարկման նյութ դարձած փաստաթղթերը, վկաների ու կասկածյալների ցուցմունքները և այլ ապացույցները իբր բավարար չափով հավատ չեն ներշնչում, ապա կարող էր անդրադառնալ կայացած դատական ակտերին և նախաձեռնել դրանց բեկանման գործընթաց, մինչդեռ, ինչպես արդեն նկատեցինք, 1923 թ. ընդունվել է համաներում հայտարարելու մասին օրենք, որով բնավ չեն հերքվել դատական ակտերով արձանագրված փաստերը, այլ, պարզապես հաշվի առնելով «միջազգային բարենպաստ իրավիճակը», հապճեպ նախաձեռնել են պատժված անձանց սոսկ պատժի կրումից ազատելու գործընթաց: Ավելին, մահապատժի դատապարտված բոլոր անձինք, ովքեր հետագայուն հերոսացվել են, նույնիսկ տեղ գտել հանրակրթական դասագրքերում որպես Թուրքիայի ազատության ու անկախության համար զոհված նահատակներ, դատական որևէ ակտով չեն արդարացվել<sup>10</sup>:

Վերջապես, փաստաթղթերի շրջանակը չի սահմանափակվում միայն դատաքննության ընթացքում հետազոտված ապացույցներով: Իհարկե տրամաբանական կիխներ, որ բոլոր վերաբերելի ու թույլատրելի ապացույցները պահանջվեին ու հետազոտվեին 1919-1920 թթ. դատավարությունների ընթացքում, սակայն, բարեբախտաբար, դրանց մի հատվածը ոչ միայն չի դարձել դատաքննության առարկա, այլև հավանաբար հենց այդ պատճառով պահպանվել է: Բայց այս հարցն առայժմ առկախենք: Ուղղակի նկատենք, որ ապացույցները ոչ լիարժեք ուսումնասիրելը ևս վկայուն է դատական գործընթացներում մեղադրյալների հովանավորչության և ակն-

<sup>10</sup>Տես Եարցեց ՅՕ. Դ., նշվ. աշխ., էջ 89:

հայտ դեպքերն աղավաղելու փաստերի մասին: Այլ խոսքով ասած, առկա են միանգամայն օրինական ուժ ունեցող դատավճիռներ:

Անդրադառնանք այն հարցին, թե ինչպես են վերաբերվում դրանց բուրքական կողմը և բոլոր այն պետությունների օրենսդիր իշխանության մարմինները, որոնք դեռևս մերժում են Հայոց ցեղասպանության փաստի ճանաչումը:

Նախ՝ վերջին քաղաքական զարգացումները մեկ անգամ ևս եկան հաստատելու, որ բուրքական կողմը վերաբերվում է այնպես, ինչպես Ալիև կրտսերը վերաբերվեց Ռամիլ Սաֆարովի նկատմամբ Հունգարիայի դատավճում:

Ինչ վերաբերում է արտասահմանյան երկրների խորհրդարաններին, ապա, ցավոք, այդ հարցում դեռ չի ծնավորվել դատական ակտերով դեկավարվելու անհրաժեշտ փորձ ու պրակտիկա: Անգամ Հայոց ցեղասպանությունը ճանաչած բազմաթիվ պետություններ իհմնվել են միայն պատմական փաստերի վրա, մինչդեռ իրավական տեսանկյունից արժեր առաջին հերթին իհմնում դնել դատական ակտերը:

Կարևոր է նաև այն հարցադրումը, թե ինչ չափով և ինչ իրավական եզրույթներով են նշված դատական ակտերն անդրադարձել Հայոց եղենի փաստին, ինչպես են «բացատրել» զանգվածային սպանությունների պատճառները և այլն:

Ինչ վերաբերում է դատավճիռներում արտացոլված իրավական գնահատականներին, ապա դրանք նույնությամբ համընկնում են ցեղասպանության հանցակազմին, պարզապես հասկանալի պատճառներով այդ եզրույթը չի օգտագործվել: Այսպես, արդեն 1919 թ. մայիսի 3-ին գլխավոր դատախազը դատարան է Ենրկայացրել փաստեր, որոնք վկայել են այն մասին, որ հայ բնակչության զանգվածային սպանությունները իհմնականում իրականացվել են խիստ կազմակերպված եղանակներով: Ավելին, դատարանում միանշանակ հերքվել է պաշտպանական կողմի այն դիրքորոշումը, թե հայ բնակչության այսպես կոչված տեղափոխությունները իբր բխել են ռազմական գործողությունների անհրաժեշտությունից: Ապացուցված է համարվել այն, որ դրանք եղել են բռնի տեղահանումներ և հայ մարդկանց կազմակերպված եղանակով ոչնչացնելու միջոց: Ըստ այդմ, եղանակն ինքնին դիտվել է մի կողմից՝ որպես հնարավոր դիմադրությունը բացառելու, մյուս կողմից՝ միջազգային հանրությանը շփոթության մեջ գտելու «լավագույն» հնարք:

Ընդ որում, անձանց բացառապես եթնիկական հատկանիշով զանգվածային սպանությունների իրական ծրագրերը թաքցնելու նպատակով, համաձայն վերը նշված դատական ակտերի, ինչպես նաև մեղադրական դատավճիռների, պարբերաբար տրվել են գրավոր ու բանավոր «գաղտնի» հրահանգներ: Թեև գրավոր բոլոր փաստաթղթերը ենթակա են եղել ոչնչացնան, սակայն դրանց մի մասը պահպանվել ու հետագայում հետազոտվել է դատարանում:

Անփոփելով նշված դատավճիռներում արտացոլված իրավական գնահատականները՝ կարելի է անել հետևյալ իհմնական եզրահանգումները՝

ա) եթնիկ հատկանիշով պայմանավորված՝ հայագի անձանց զանգ-

վածային սպանություններն ու բռնի տեղահանումները կազմակերպվել և իրականացվել են իրավասու իշխանությունների կողմից, դա չի եղել սուկ առանձին կուսակցության կամ առանձին պաշտոնյաների հատվածական նախաձեռնություն,

բ) զանգվածային սպանություններն ու բռնի տեղահանումներն իրականացվել են «գաղտնագրված» իրամանների, իրահանգների, ծրագրերի ու բանավոր կարգադրությունների միջոցով, որպեսզի չբացահայտվի դրանց իրական նպատակն ու ուղղվածությունը,

գ) նշված հանցագործության կատարմամբ երիտրուլքերը փորձել են մեկրնդիշտ «լուծել» Հայկական հարցը, որը իբր մեծ վտանգ է ներկայացրել իրենց պետական անվտանգությանը,

դ) բռնի տեղահանումները, որոնց հետևանքով մեծաքանակ անձինք մատնվել են սովամահության ու այլ անմարդկային տանջանքների, ոչ մի կապ չեն ունեցել ռազմական անհրաժեշտության հետ (ի դեպ, այս վարկածը ներկայումս բավականին հաճախ են թմբկահարում թուրքական քառողիչները): Այդ է վկայում այն փաստը, որ տեղահանվել են նույնիսկ այնպիսի բնակավայրերից, որոնք որևէ առնչություն չեն ունեցել ռազմական իրադարձությունների հետ, և որոնց բնակչությունը դրսևորել է ակնհայտ չեղոք վարքագիծ,

ե) կատարված հանցագործությունները ոչ միայն ոտնձգում են քրեական օրենսդրության և այսպես կոչված իսլամի «պատվիրանների» դեմ, այլև ուղղված են «մարդկության ու քաղաքակրթության» դեմ:

Բազմաթիվ երկրների խորհրդարաններ, իսկ Ֆրանսիայի պարագայում՝ սահմանադրական վերահսկողություն իրականացնող մարմինը՝ Սահմանադրական խորհուրդը, իրավաչափ չեն համարում օրենսդրությունից կողմից Հայոց Եղեռնը ճանաչելը, առավել ևս՝ այն ժխտելու համար քրեական պատասխանատվություն սահմանելը՝ պատճառաբանելով, որ այդպիսի քաղաքական որոշման հիմքում պետք է լինի համապատասխան դատական ակտ:

Ավելին, ինչպես արդեն նկատեցինք, թուրքական կողմն արել ու անում է ամեն ինչ, որպեսզի վերը նշված դատավճիռները լայն քննարկման նյութ չդառնան, պարզապես չհայտնվեն տեսադաշտում՝ փորձելով միջազգային հանրության ուշադրությունից հեռու պահել այն իրողությունը, որ հենց իր ազգային դատական ատյաններն են անցյալ դարասկզբին դատապարտել հայերի հանդեպ ոճրագործությունը: Եվ բավական է, որ որևէ հետազոտող փորձի այդ թեման արդիականացնել, անմիջապես գործի է դրվում Լևի նման հերքողներին ասպարեզ նետելու մեթոդաբանությունը:

Սակայն եթե գուտ գիտական չափանիշներով հիշյալ դատավճիռները դեռ կարող են հետազոտման նյութ լինել, ապա նույնը չի կարելի ասել իշխանության այս կամ այն ճյուղը ներկայացնող մարմնի գործունեության դեպքում: Ցավոք, նշված զգուշավորությունը մեծ մասամբ պայմանավորված է արտաքին քաղաքականության գործուներով, իսկ մասամբ էլ՝ ոչ բավարար իրազեկվածությամբ: Ի վերջո, Հայոց Եղեռնի փաստն արձանագրվել է նաև Ռուսական գեղասպանության գործով միջազգային դատարանի 2012 թ. դատավճորվ (այս գործով դատարանը կայացրել է մի

շարք դատավճիռներ): Մասմավորապես, այս դատական ակտը, անդրադարձնալով ցեղասպանության, այդ թվում՝ Ռուսանդայում արձանագրված նույնաբնույթ դեպքերի պատճառներին, ևս փաստել է, որ միջազգային հանրությունը համարժեք հետևություններ չի արել Հայոց եղեռնի փաստից, ինչն էլ նպաստել է այդպիսի երևույթների կրկնվելուն:

Այսպիսով, Հայոց եղեռնի միջազգային ճանաչման հիմնախնդրի կապակցությամբ նպատակահարմար ենք համարում որպես ելակետ ընդունել հետևյալ եզրահանգումները՝

ա) Հայոց եղեռնը, փաստորեն, հիմնավորվել ու ճանաչվել է թուրքական դատական ատյանների կողմից 1919-1920 թթ. իրականացված դատավարությունների ընթացքում կայացված դատավճիռներով։ Վերջիններս օրինական ուժի մեջ են մտել և երբեւ չեն բեկանվել,

բ) Հայոց եղեռնի իրավական գնահատականը տրված է նաև Ռուսանդայի ցեղասպանության գործով միջազգային դատարանի 2012 թ. դատավճռով,

գ) իրավական որևէ արժեք չունի այն փաստարկը, որ իբր դատաքննության փուլում հետազոտված բոլոր ապացույցները հետազայում հափշտակվել ու ոչնչացվել են հայերի կողմից, քանզի դրանք արդեն իսկ հետազոտվել և իրավական գնահատման են արժանացել իրավասու դատական ատյանների կողմից,

դ) դատական ակտերով Հայոց եղեռնի ճանաչման փաստը պետք է դնել այդ ցեղասպանության միջազգային ճանաչման հայրենական դիվանագիտության հիմքում,

ե) նպատակահարմար է նախաձեռնել տվյալ դատական ակտերից բխող Թուրքիայի պատասխանատվության հարցը՝ նախապես հանգամանորեն մշակելով բոլոր հնարավոր տարբերակներն ու իրավական հետևանքները։

Անփոփելով Հայոց եղեռնի միջազգային ճանաչման իրավական ասպեկտների քննարկումը, գտնում ենք, որ այդ առնչությամբ նախորդ դարասկզբի դատավարությունները լայն շրջանառության մեջ դնելը և հայրենական դիվանագիտության համար որպես կարևոր խաղաքարտ օգտագործելը անհատ քաղաքացիների տարրական գույքային իրավունքները պատշպանելու տեսանկյունից նաև զուտ գործնական նշանակություն ունեն։ Խնդիրն այն է, որ միջազգային ապահովագրական ընկերությունները, որոնք նույն 5-6 տարի առաջ նախաձեռնել էին Թուրքիայում Հայոց եղեռնի ընթացքում զոհված, ինչպես նաև հարկադրաբար գաղթած ազգությամբ հայ անձանց ապահովագրական վճարները նրանց ժառանգներին հատկացնելու գործընթացը, ակնհայտ անհիմն պատճառաբանություններով, սուսկ թուրքական լորրինգի ազդեցությամբ կտրուկ դադարեցրել են վճարումները։ Ընդ որում, Միացյալ Նահանգներում «Աքսա» ապահովագրական ընկերության կողմից վճարումները դադարեցվել են այդ երկրի դատական ատյանների անհիմն միջամտությամբ։ Այսինքն՝ կարող ենք արձանագրել, որ անգամ դատական ատյաններում է փորձ արվում անտեսել մեկ այլ երկրի դատական ատյանի կայացրած և օրինական ուժի մեջ մտած դատավճիռը։

**Բանալի բառեր** – Յայոց եղեռն, Յոլոքուս, դատական գործընթաց, Յայոց ցեղասպանության միջազգային ճանաչում, դատական ակտով Յայոց եղեռնի ճանաչում, բռնի տեղահանումներ, ապահովագրական վճարներ

**ГЕВОРГ ДАНИЕЛЯН – Правовая значимость приговоров турецких судов 1919–1920 гг. в контексте осуждения Геноцида армян.** – Приговоры судов, вынесенные в Турции в 1919–1920 гг., рассматриваются в статье с точки зрения их правомерности и правовой значимости для осуждения Геноцида армян. Зафиксированные в них обвинения безоговорочно свидетельствуют о том, что в годы Первой мировой войны Османская империя осуществляла массовое уничтожение людей по исключительно этническим мотивам. В судебных актах не употребляется термин “геноцид”, но это обусловлено тем, что его в то время пока ещё не существовало. В смысле содержания эти приговоры вполне адекватно раскрывают факт целенаправленного истребления армян, подтверждают прямое участие в этом властей, которые осуществляли чёткую программу действий. В статье также раскрываются причины, предопределившие эти судебные процессы и символические наказания, вынесенные ряду должностных лиц. В заключение выдвинут тезис, согласно которому нынешние власти Турции и международное сообщество обязаны уважать вступившие в законную силу судебные приговоры.

**Ключевые слова:** Геноцид армян, Холокост, судебное производство, признание Геноцида армян судебным актом, насилиственная депортация, страховые платежи

**GEVORG DANIELYAN – The Legal Significance of the Judgments of Turkey of 1919-1920 in the Context of Condemnation of the Armenian Genocide.** – The issues of legal significance of the judgments of Turkey of 1919-1920 concerning the events of the Armenian Genocide, their legitimacy, the legal relevance in the sense of condemnation of the Armenian Genocide and such other issues are discussed in the article presented. The author substantiates that the accusations reflected in the mentioned judgments unequivocally witness that during the First World War the Ottoman Empire carried out the destruction of specific nations on exclusively ethnic grounds. The term "genocide" is not used in these judicial acts. Nevertheless, this is not due to the purpose of denying this fact, but due to the simple reason that the given term was not yet in the official application and was reflected in international documents in no way.

The legal significance of the judgments of Turkey is in the circumstance that they quite adequately disclose the fact of the Armenian Genocide, approve the direct involvement of the authorities of the mentioned state in the exercise of this and fulfillment of clearly programmed actions .

The article also reveals the reasons of national and international importance that determined the initiation of trials and sentencing some officials to symbolic punishments.

A thesis is presented in the conclusion, according to which the acting Turkish authorities and the international community have an obligation to respect judgments, which have entered into force, and their official actions must flow from them.

**Keywords:** Armenian Genocide, Holocaust, court trial, international recognition of armenian genocide, recognition of armenian genocide upon court judgements, forced deportations, insurance compensation